

DATANGMUZHI
SHUFA JINGXUAN

大唐墓志书法精选

◎何炳武 主编

中国出版集团

世界图书出版公司

赵王李福
韦公妻王婉
墓志

◎陕西省古籍整理办公室
陕西省社会科学院
编

大唐墓志书法精选

◎何炳武 主编

陕西省古籍整理办公室
陕西省社会科学学院 编

赵王李福
韦公妻王婉

墓志

世界图书出版公司
西安 北京 上海 广州

图书在版编目(CIP)数据

大唐墓志书法精选. 赵王李福、韦公妻王婉墓志/何炳武主编.
—西安: 世界图书出版西安有限公司, 2011.8

ISBN 978-7-5100-3677-4

I. ①大… II. ①何… III. ①汉字—碑贴—中国—唐代
IV. ①J292.24

中国版本图书馆CIP数据核字(2011)第134690号

《大唐墓志书法精选》编委会

主 任 杨尚勤

编 委 杨尚勤 洪援朝 石 英 刘卫民

何炳武 吴敏霞 牛泾民

《大唐墓志书法精选》编辑部

主 编 何炳武

编 辑 何炳武 吴敏霞 牛泾民 朱淑玲

赵王李福 韦公妻王婉墓志

主 编 何炳武

责任编辑 焦毓本

视觉设计 诗风文化

出版发行 世界图书出版西安有限公司

地 址 西安市北大街85号

邮 编 710003

电 话 029-87214941 87233647(市场营销部)

029-87232980(总编室)

传 真 029-87279675

经 销 全国各地新华书店、外文书店

印 刷 陕西天意印务有限责任公司

开 本 850×1168 1/16

印 张 7

版 次 2011年8月第1版 2011年8月第1次印刷

书 号 ISBN 978-7-5100-3677-4

定 价 28.00元

☆ 如有印装错误, 请寄回本公司更换 ☆

目录 MULU

• 赵王李福墓志 •

赵王李福墓志简介	5
赵王李福墓志释文	5
赵王李福墓志正文	9

• 韦公妻王婉墓志 •

韦公妻王婉墓志简介	53
韦公妻王婉墓志释文	53
韦公妻王婉墓志正文	57

大唐墓志书法精选

赵王李福墓志



中司內
商空齋
故荆湘
贈王
趙國銘
蠶

此碑係王公大臣所撰，其文多為頌詞，內容涉及政治、軍事、文化等。碑文以篆書刻於石上，字體古樸，具有濃厚的歷史感。碑面中央有一處明顯的損壞，導致部分文字模糊不清。碑的四周有精美的紋飾，增加了其藝術價值。

赵王李福墓志简介

唐咸亨二年（671）十二月二十七日葬。1972年5月出土于陕西礼泉县烟霞乡岩峪村西北约六百米处李福墓中，石现藏昭陵博物馆，陕西省古籍整理办公室藏拓。志、盖均呈正方形，盖底边长112.5厘米、厚18厘米；志边长112.5厘米、厚15厘米。盖四周饰十二生肖，四刹饰宝相花纹。盖文5行，满行4字，篆书“大唐故赠司空荆州大都督上柱国赵王墓志铭”；志文41行，满行38字，楷书。志主李福，字祐，唐陇西成纪（今甘肃天水）人。唐太宗第十一子。三岁封赵王，十三岁除秦州都督、右卫大将军、梁州都督，上柱国，赠司空，使持节大都督荆硤岳朗四州诸军事、荆州刺史。志记李福生平、职官、子嗣等，均可与正史互补。此志书法为上乘之作，笔画平直险劲，气势静穆，方笔捷劲有力，圆笔浑厚圆润，结体紧收，庄严大方，将楷书的特点表现得淋漓尽致，体现了欧体书法以险绝取胜的特征。

赵王李福墓志释文

大唐故赠司空荆州大都督上柱国赵王墓志铭

若夫曰重曰该，前策昭其令绪；青阳昌意，曩系降其灵长。玄丘飞乙，殷有咸宜之庆；岐下螽斯，周传则百之美。是故克隆九鼎，光膺三统。皇唐道兼凤历，业超麟趾。汤谷之向丹川，十枝分色；南宫而承北极，五纬联华。多艺期鹊巢之风，才子辍骏狼之驾。苍旻不惠，哀如之何。王讳福，字祐，陇西成纪人也。庭坚恤刑，潜祉昌其祚胤；伯阳上善，道心发其英华。高祖以抚运龙兴，太宗以戡翦风鸞。齐光两曜，配德二仪。载诞明哲，远符禋祀。王即太宗之第十一子，杨贵妃之所生也。星津兆庆，弓韞延祥。祿质秀之于玉仪，髻情被之于金镜。惟天所赋，莫际神理。三岁封赵王，食邑□万户。天奖幼及，传训夙闻。宛委之简，负黄龙而有问；羽陵之书，侍骅骝而可读。鼓钟非□乐之要，俎豆殊会礼之端。然而混元既谈，辩天人之能事；宾延有述，见王子之风流。年始十三，甫□出阁，寻除秦州都督，作镇藩维。玉门关外，

雄规自远；金城郡下，令绩方宣。乃除右卫大将军，近司官禁。朝夕帷殿，趋承恩礼。鄜州近畿，复晖纶诰；密迩京室，非亲罕居。惠政傍□，弥留天睠。又除青部，高视海隅。化入龟象，誉霑淮岱。恒山惟岳，是曰大邦；邢国名都，抑称旧壤。衡漳东泻，呼河南直。共枉龙节，遄移驂驾。百□向风，六条有序。汾隰胥宇，山河云固。载竚仁明，用祛螟蜮。迁隰州刺史。蒨旆攸拂，莠苗毕洒。延卜商之疑汝，纵干木于自骄。细侯非大雅之流，吴起异多闻之客。紫泥云降，丹帷复徙。诏除梁州都督，近届褒中。良木云蔚，嘉鱼潜跃。汉帝因其王业，蜀将由其作险。宗懿光临，允谐望实。郑武入仕，齐攸居藩。龙树鱼运，□阶虚铉。鬼神无心，高明多瞰。景山遂朽，大梁忽摧。以咸亨元年九月十三日，薨于梁州之官第，春秋卅有七。呜呼哀哉！宝旅长号，蛮陬群恸。睢水与汉川交咽，猿岩将嶓冢俱秋。驰驱奏闻，圣情震悼。崇共气之戚，致非常之礼。诏曰：褒贤纪懿，礼焕国章。悼往申哀，义光彝篆。是以东平告终，晋皇表其荣赠。因心之道，列代攸遵。故梁州都督、上柱国、赵王福，疏芳日干，毓彩星津。器怀端确，机神敏悟。翦桐锡社，载循乐善之规；剖竹开藩，允叶惟良之寄。体忠顺而成己，韞廉让而为心。固以业蔼维城，声孚列屏。剑门惟险，实资镇蜀之功；朱邸方崇，遽辍从梁之驾。睠言永往，震悼良深。宜加恒数，用旌幽壤。可赠司空、使持节大都督荆硤岳朗四州诸军事、荆州刺史，余官封如故。灵柩至京，备礼册命，陪葬昭陵，赙绢布二千段、米粟一千石。葬日给班剑卅人，羽葆鼓吹及仪仗送至墓所往还，并赐东园秘器。葬事所须，并宜官给，务从优厚。仍令三品一人摄同文正卿、四品一人作为副。惟王德综如仁，理兼艺业。黼藻游夏，驱驾闵参。宠隆二极，誉华十子。幼裂丰壤，早擅名区。洧水丽都，淇川疏域。駟马流颂，葭莩入诗。在于桂山秋发，梧台春早。乍煮还丹，时邀仙气。赋华七泽，异研精于阙文；鼎重千金，宁虚心于置醴。而使上客谈其高义，锡类挹其光尘。叹四牡之摧辔，伤六爻之沦鼎。崇诏葬于徽典，期宅兆于泉窆。子建平王穆等，夙钟荼蓼，哀缠桀棘。攀穹不追，叩地何有。即以咸亨二年岁在辛未十二月甲子朔廿七日庚寅，奉迁灵柩，陪葬于昭陵。谥曰，礼也。呜呼哀哉！辟素馆于严晓，载朱寿于霜晨。骑吹齐咧，鸾辂无尘。辞未央而过驰道，历便门而指渭津。镂笛藏玉，结纓埋银。随巨海之三变，流遗芳于万春。其词曰：

于赫巨唐，睿哲重光。勋超三代，业跨九皇。枝繁云纪，绪盛高阳。配天有庆，锡类无疆。帝敏兴迹，谋乙遗祉。潜发灵心，允归才子。晋分参伐，卫略淇水。阙鞶密须，彤弓旅矢。文昌上将，陝服宗袞。入馆元戎，出宣政本。三褫箴讼，十朋谋损。远气难羁，长澜不混。修竹防露，青蘋结风。迴馆临石，高台作丛。雨辞楚甸，珠来魏官。牛以崇发，熊关梦通。东平赠华，安平礼缙。马鬣泉远，龟谋兆促。蚕薄

镕金，鱼鳞雕玉。皋墓三坂，疑山九曲。祖载晨撤，龙辂初辞。宿雾埋鼓，繁霜裊旗。参耕垄怨，溱水泉悲。玄庐可饰，白日无期。

大司馬故贈司空

大都督上

趙王墓誌銘

若夫日重甲詠前

策昭其令緒青陽

昌意畢系降其子
長玄丘飛乙殿有
咸宜之慶岐下螽
斯周傳則百之美
是故克隆九鼎光

寶曆三統

皇唐道無鳳曆業

超麟趾湯谷之向

丹川十枝分色南

宮而承土極五緯

聯華多藝期鵲巢

之風才子輟駁狼

之駕蒼旻不惠哀

如之何

王諱伯子祐隴曲

成紀人也庭堅邴
刑潛祉昌其祚胤
伯陽上善道心發
其英華

高祖以三運興